

Deporte Local

Aruba MMA Refree Commissioner combative sport foundation a keda oficialmente funda



ORANJESTAD (AAN)- Diaranzon anochi tabata tin un conferencia di prensa na cantine di Setar, caminda e federacion di MMA di Aruba a presenta nan directiva cu dia 25 a keda oficialmente instala bao e fundacion Aruba

MMA Refree Commissioner combative sport foundation.

Como presidente di e fundacion ta Andres Tromp, vice Presidente Jeffrey Nedd, secretario Wiwi Piña, segundo secretario Blanco Brown, head referee Stanley Cicilia, asistent head referee & Public relation ta Ricardo Illidge, members Shamila Tromp y Tatiana Perdia, head commissioner Gregory Oduber, penningmeester Stefanie Tromp, segundo penningmeester Selene Rasmijn, board doctors Dr. Verschuur y Dr. Jimenez.

Sr. Illidge cu ta e PR a bisa cu awor cu nan a keda

cla cu e statutuinan di e fundacion, nan meta ta pa sostene full Aruba legalmente y cu ora tin pelea tur cos por wordo haci profesionalmente pa proteha e atletanan. Sr. Tromp durante e conferencia a gradici tambe algun personanan cu a yude pa awe nan ta asina leu pa yega na un fundacion y e ta spera cu pa 2020 e fundacion por sinta cu tur otro boardnan pa nan traha pa un so lo Aruba. Head commissioner Sr. Oduber a bisa cu for di '91 e ta den e deporte aki y awor cu tin un fundacion oficialmente tin hopi cosnan pa mehora y reglanan cu tin cu wordo cumpli.